



**LAPORAN LIPUTAN MEDIA HARIAN  
SELASA 26 DISEMBER 2023**

<b>BIL.</b>	<b>TAJUK KERATAN AKHBAR</b>	<b>KEMENTERIAN / JABATAN / AGENSI</b>
1.	SELEPAS KARTEL MAKANAN AYAM, AKTIVIS GESA MYGCC SIASAT KOMPLOTT BERSAS, FREE MALAYSIA TODAY -ONLINE	KEMENTERIAN PERTANIAN DAN KETERJAMINAN MAKANAN (KPKM)
2.	MYGCC DIGESA SIASAT 'KARTEL BERSAS' SELEPAS BERJAYA DENDA 'KARTEL MAKANAN AYAM', MYKMU.NET -ONLINE	
3.	LIMA PLOT JADI KEBUN SAYUR, HM -ONLINE	LAIN-LAIN

UKK KPKM

UNIT KOMUNIKASI KORPORAT  
KEMENTERIAN PERTANIAN DAN KETERJAMINAN MAKANAN  
(UNTUK EDARAN DALAMAN KPKM, JABATAN DAN AGENSI SAHAJA)

TARIKH	MEDIA	RUANGAN	MUKA SURAT
26/12/2023	FREE MALAYSIA TODAY	ONLINE	

## Selepas kartel makanan ayam, aktivis gesa MyCC siasat komplot beras

Koordinator Forum Kedaulatan Makanan, Nur Fitri Amir mendakwa kartel itu disokong Akta Kawalan Padi dan Beras 1994 serta perjanjian monopoli Bernas.



Koordinator Forum Kedaulatan Makanan, Nur Fitri Amir berkata, MyCC perlu diberi kuasa untuk menyiasat dakwaan wujud kartel dalam industri padi dan beras.

PETALING JAYA: Selepas monopoli industri makanan ayam oleh lima syarikat, seorang aktivis pertanian menggesa Suruhanjaya Persaingan (MyCC) memfokuskan dakwaan

kartel dalam sektor padi dan beras.

Koordinator Forum Kedaulatan Makanan, Nur Fitri Amir memberitahu FMT, siasatan itu penting untuk merungkai dakwaan Pertubuhan Persaudaraan Pesawah (Pesawah) kemungkinan kartel campur tangan dalam menentukan harga belian padi hingga menyebabkan harga turun mendadak kepada RM1,200 satu tan ketika ini.

Ia berbeza dengan kenyataan Menteri Pertanian dan Keterjaminan Makanan, Mohamad Sabu pada 4 Okt lalu bahawa pesawah masih mendapat RM1,700 satu tan harga jualan padi memandangkan kerajaan kekal memberikan subsidi RM500 bagi setiap tan padi.

“Beri kuasa lebih besar kepada MyCC untuk menyiasat dakwaan wujudnya kartel ini.

“Difahamkan, kartel dalam padi dan beras, mereka di ‘backup’ Akta Kawalan Padi dan Beras 1994 serta perjanjian monopoli Bernas.

“Walaupun tanda-tandanya cukup jelas, mereka kebal daripada penguatkuasaan,” dakwanya.

Krisis harga belian padi antara ancaman terbaharu dalam rantaian bekalan beras negara, walaupun isu “kehilangan” beras putih tempatan (BPT) di pasaran akibat eksploitasi di peringkat kilang dan borong masih gagal ditangani.

Mohamad sebelum ini dilaporkan berkata, wujud tindakan memanipulasi bekalan BPT dengan menukar bungkusannya kepada kampakit beras import untuk meraih keuntungan tinggi.

Jumaat lalu, MyCC mengenakan penalti RM415.5 juta kepada lima syarikat yang didapati melanggar Seksyen 4 Akta Persaingan 2010 melalui pembentukan kartel makanan ayam itu.

Ia adalah Leong Hup Feedmill (M) Sdn Bhd, FFM Berhad, Gold Coin Feedmills (M) Sdn Bhd, Dindings Poultry Development Centre Sdn Bhd dan PK Agro-Industrial Products (M) Sdn Bhd.

Siasatan MyCC dari Januari 2020 hingga Mac 2022 membuktikan kenaikan kuantum harga makanan ayam sama antara perusahaan terbabit dari Januari 2020 hingga Jun 2022, selain mendapati lima syarikat itu menggunakan alasan kenaikan kos makanan ayam akibat peningkatan perbelanjaan bahan mentah.

Sementara itu, Fitri berkata, kewujudan kartel dalam sesuatu industri dapat dilihat sekiranya sering berlaku bekalan tidak mencukupi di pasaran sedangkan ia barangan asas.

“Berlaku turun naik di pasaran secara tiba-tiba untuk meningkatkan harga sedangkan ia adalah barangan asas atau biasa,” katanya sambil menambah kartel juga didakwa membuat sekatan dan pakatan sehingga menyukarkan pemain baharu bertapak dalam industri.

“Dengan cara menyukarkan bekalan, diskriminasi harga dan kontrak tidak munasabah berlaku.”

TARIKH	MEDIA	RUANGAN	MUKA SURAT
26/12/2023	MYKMU.NET	ONLINE	

## MyCC digesa siasat 'kartel beras' selepas berjaya denda 'kartel makanan ayam'



Selepas monopoli industri makanan ayam oleh lima syarikat, seorang aktivis pertanian menggesa Suruhanjaya Persaingan (MyCC) memfokuskan dakwaan kartel dalam sektor padi dan beras.

Koordinator Forum Kedaulatan Makanan, Nur Fitri Amir memberitahu FMT, siasatan itu penting untuk merungkai dakwaan Pertubuhan Persaudaraan Pesawah (Pesawah) kemungkinan kartel campur tangan dalam menentukan harga belian padi hingga menyebabkan harga turun mendadak kepada RM1,200 satu tan ketika ini.

Ia berbeza dengan kenyataan Menteri Pertanian dan Keterjaminan Makanan, Mohamad Sabu pada 4 Okt lalu bahawa pesawah masih mendapat RM1,700 satu tan harga jualan padi memandangkan kerajaan kekal memberikan subsidi RM500 bagi setiap tan padi.

"Beri kuasa lebih besar kepada MyCC untuk menyiasat dakwaan wujudnya kartel ini.

"Difahamkan, kartel dalam padi dan beras, mereka di 'backup' Akta Kawalan Padi dan Beras 1994 serta perjanjian monopoli Bernas.

"Walaupun tanda-tandanya cukup jelas, mereka kebal daripada penguatkuasaan," dakwanya.

Krisis harga belian padi antara ancaman terbaharu dalam rantaian bekalan beras negara, walaupun isu "kehilangan" beras putih tempatan (BPT) di pasaran akibat eksploitasi di peringkat kilang dan borong masih gagal ditangani.

Mohamad sebelum ini dilaporkan berkata, wujud tindakan memanipulasi bekalan BPT dengan menukar bungkusannya kepada kimpit beras import untuk meraih keuntungan tinggi.

Jumaat lalu, MyCC mengenakan penalti RM415.5 juta kepada lima syarikat yang didapati melanggar Seksyen 4 Akta Persaingan 2010 melalui pembentukan kartel makanan ayam itu.

Ia adalah Leong Hup Feedmill (M) Sdn Bhd, FFM Berhad, Gold Coin Feedmills (M) Sdn Bhd, Dindings Poultry Development Centre Sdn Bhd dan PK Agro-Industrial Products (M) Sdn Bhd.

Siasatan MyCC dari Januari 2020 hingga Mac 2022 membuktikan kenaikan kuantum harga makanan ayam sama antara perusahaan terbabit dari Januari 2020 hingga Jun 2022, selain mendapati lima syarikat itu menggunakan alasan kenaikan kos makanan ayam akibat peningkatan perbelanjaan bahan mentah.

Sementara itu, Fitri berkata, kewujudan kartel dalam sesuatu industri dapat dilihat sekiranya sering berlaku bekalan tidak mencukupi di pasaran sedangkan ia barangan asas.

“Berlaku turun naik di pasaran secara tiba-tiba untuk meningkatkan harga sedangkan ia adalah barangan asas atau biasa,” katanya sambil menambah kartel juga didakwa membuat sekatan dan pakatan sehingga menyukarkan pemain baharu bertapak dalam industri.



TARIKH	MEDIA	RUANGAN	MUKA SURAT
26/12/2023	HARIAN METRO	ONLINE	

## Lima plot jadi kebun sayur!



PENDUDUK Perumahan Awam Seri Perlis 2 menuai hasil tanaman ketika tinjauan Kebun Dalam Bandar. FOTO MOHAMAD SHAHRIL BADRI SAALI

Kuala Lumpur: Di sebalik bangunan pencakar langit yang memenuhi ibu negara, terdapat beberapa lokasi yang diwartakan sebagai kawasan hijau kekal untuk menyeimbangkan hutan batu.

Ia inisiatif kerajaan dalam memastikan Kuala Lumpur masih mempunyai kawasan hijau mencukupi dan dilindungi daripada pembangunan selain bergantung kepada Hutan Simpan Kekal (HSK).

Seiring misi itu, ada penduduk yang turut membantu menambah kawasan hijau di ibu negara menerusi kebun kejiranan bandar atas kelulusan Dewan Bandaraya Kuala Lumpur (DBKL).

Antaranya, 40 penduduk Perumahan Awam Seri Perlis 2, Datuk Keramat yang kini mengusahakan lima plot kebun di atas sebidang tanah bersaiz 0.404 hektar di kejiranan mereka.

Kebun itu diusahakan sejak 2014 dan ditanam pelbagai jenis sayuran seperti sawi, kangkung, bendi, tomato, daun pandan, ulam raja, kailan, lobak, salad selain bunga telang yang dianggap ikon produk kawasan.

Bagaimanapun, bukan mudah mengusahakan kebun bandar dan masa menjadi cabaran utama kerana penduduk terikat dengan pekerjaan masing-masing serta mengurus aktiviti harian lain.

Timbalan Pengerusi Kebun Dalam Bandar Perumahan Awam Seri Perlis 2, Abdul Aziz Yahya, 63, berkata, walau terdapat kekangan, kebun itu dipastikan tidak terbengkalai kerana manfaatnya.

Katanya, selain memberi hasil tani dan pendapatan kepada penduduk, kebun itu yang diusahakan bersama-sama dapat membantu mengeratkan silaturahim antara mereka.

"Kadang-kadang walaupun rumah dekat, tetapi susah juga nak berjumpa sebab masing-masing bekerja. Kalau tidak ada program seperti ini, kurang sedikit pergaulan itu," katanya.

Selain itu, katanya, kebun itu juga membolehkan individu sepertinya 'bersenam' dengan cara bercucuk tanam

"Ketika awal kami mengusahakan kebun, kami tiada pengetahuan khusus... buat sendiri-sendiri sahaja. Apabila Jabatan Pertanian tengok, mereka tawar diri untuk beri kursus dan ia adalah percuma.

"Kursus ini adalah kursus asas seperti bagaimana nak merawat tanah, bagaimana nak menanam, selang-seling dalam penanaman dan sebagainya," katanya.

Mengenai kos pengurusan kebun, Abdul Aziz berkata, mereka hanya menggunakan wang daripada penjualan sayur-sayuran dan kadangkala mendapat bantuan daripada agensi kerajaan atau badan bukan kerajaan.

Penduduk Perumahan Awam Seri Perlis 2, Mohd Nor Ahmad, 56, pula menyifatkan inisiatif kebun dalam bandar merupakan satu aktiviti yang baik.

"Mana-mana ada tanah terbiar, kosong, hutan, kita terangkan untuk dibuat kebun. Sekurang-kurangnya ia memberi satu aktiviti kepada penduduk yang sudah pencen macam saya," katanya.

Menurutnya, dengan penanaman sayur-sayuran juga, ia dapat menjana pendapatan selain penduduk juga boleh membelinya.

Dia juga berharap agar perumahan awam atau projek perumahan rakyat (PPR) agar mengusahakan tanah terbiar atau kosong di kawasan mereka untuk mengusahakan kebun seperti ini.

"Ia dapat menghijaukan persekitaran dalam bandar disebabkan di bandar ini sudah penuh dengan bangunan," katanya.